

Adolygiad Sicrwydd Ansawdd Allanol – Cwestiynau Cyffredin

Beth yw adolygiad sicrwydd ansawdd allanol?

Mae adolygiad sicrwydd ansawdd allanol yn ymarfer sicrwydd ansawdd a gynhelir gan sefydliadau a reoleiddir yng Nghymru (neu'r rhai sydd eisiau cael eu rheoleiddio) fel rhan o'r Fframwaith Asesu Ansawdd (QAF).

Beth fydd adolygiad sicrwydd ansawdd allanol yn ceisio'i wneud?

Bydd adolygiad sicrwydd ansawdd allanol yn gwerthuso a yw dulliau gweithredu sefydliad o ran sicrwydd ansawdd mewnol yn bodloni gofynion y [Safonau a'r Canllawiau Ewropeaidd](#), ac a yw sefydliad yn bodloni gofynion y sylfaen yn y Fframwaith Asesu Ansawdd. Hefyd bydd yr adolygiad yn gwerthuso dull strategol y sefydliad o wella ansawdd. Rhaid i sefydliadau sydd eisiau bod neu barhau i fod yn sefydliadau a reoleiddir fod wedi cynnal adolygiad sicrwydd ansawdd allanol (neu Adolygiad Addysg Uwch: Cymru cyfatebol, neu broses Adolygu Sicrwydd Ansawdd arall) yn ystod y chwe blynedd diwethaf. Yn sail i adolygiadau sicrwydd ansawdd allanol mae prosesau sicrwydd ansawdd blynyddol a phob tair blynedd CCAUC.

Pa mor aml ddylai adolygiadau sicrwydd ansawdd allanol gael eu cynnal?

Dylid cynnal adolygiadau sicrwydd ansawdd allanol bob chwe blynedd o leiaf; gellir cynnal adolygiadau'n amlach os yw'r corff rheoli'n dymuno hynny neu os yw'n ofynnol gan CCAUC o dan unrhyw amgylchiadau, er enghraifft, os yw sefydliad wedi wynebu newid strwythurol sylweddol neu os oes newidiadau sylweddol i ddarpariaeth sefydliad neu niferoedd myfyrwyr.

Pwy fydd yn cynnal adolygiad sicrwydd ansawdd allanol?

Dim ond corff ar Gofrestr Sicrwydd Ansawdd Ewrop (EQAR) ar gyfer Addysg Uwch sy'n cael cynnal adolygiad sicrwydd ansawdd allanol. Rhaid i'r corff a benodir ddeall cyd-destun Cymru yn y DU â bod â gallu priodol yn y Gymraeg.

Sut bydd y myfyrwyr yn chwarae eu rhan?

Mae cael y myfyrwyr i chwarae eu rhan yn y broses yn allweddol oherwydd mae partneriaeth rhwng sefydliadau a'u myfyrwyr yn flaenoriaeth yng Nghymru. Rhaid i'r tîm adolygu gynnwys cynrychiolydd ar ran y myfyrwyr. Os yw undeb myfyrwyr yn llunio adroddiadau ansawdd blynyddol ar ran y corff o fyfyrwyr, dylai'r tîm ystyried y rhain fel rhan o'r dystiolaeth ar gyfer yr adolygiad. Dylai'r sefydliad ddarparu cyngor, cyfarwyddyd a hyfforddiant ar gyfer y corff o fyfyrwyr, fel sy'n briodol i alluogi eu cyfranogiad effeithiol yn yr adolygiad.